



Pranimar / Doretuar Primijseni/Profutaro Received/Delivered	12-04-2023	3	viti god year
Organ /Njësia Organ./Jednitca Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKM/SILK	3464/2023		114



## Republika e Kosovës Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBEKOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.419/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Ardita Haxhnikaj-Demi-kryetare, Arben Mehmeti dhe Eshref Shabani-anëtarë, me Avdyl Bekteshi-Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën me numër A.nr.419/2023 të datës 24.02.2023, të parashtruar nga ankuesja në çështjen juridike “vlerësim i rezultateve në punë”, duke vepruar në pajtim me nenin 6 paragrafin 1 nën paragrafin 1.1, nenin 18 paragrafin 1 nën paragrafin 1.6 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregullores Nr. 02/2018 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datë 12.04.2023, mori këtë:

### V E N D I M

- I. *Aprovohet si e bazuar* ankesa A.nr.419/2023 e datës 24.02.2023, e parashtruar nga ankuesja
- II. *Shfuqizohet* Formulari i datës 23.02.2023, për vlerësimin e rezultateve në punë për vitin 2021 për ankuesen dhe çështja kthehet në rivlerësim.
- III. *Detyrohet* Drejtori i Qendrës për Punë Sociale në Komunën e Ferizajt në cilësi të mbikëqyrësit të drejtpërdrejtë të ankueses, që brenda afatit prej pesëmbëdhjetë (15) ditësh nga dita e pranimi të këtij vendimi, të bëjë rivlerësimin e rezultateve në punë për ankuesen për vitin 2021.
- IV. Këshilli i Pavarur Mbikëqyrës për Shërbimin Civil të Kosovës, duhet të njoftohet me shkrim lidhur me veprimet e ndërmarra për zbatimin e këtij vendimi.

### A r s y e t i m

Ankuesja e punësuar në Komunën e Ferizajt, më datë 24.02.2023, ka parashtruar ankesë në Këshillin e Pavarur Mbikëqyrës për Shërbimin Civil të Kosovës, kundër Vlerësimit të Rezultateve në Punë për vitin 2021, me pretendimin së vlerësimi është tendencioz dhe joreal.



Këshilli i Pavarur Mbikëqyrës për Shërbimin Civil të Kosovës (*tutje referuar vetëm Këshilli*) bazuar në dispozitat e Nr.02/2018 për Procedurën e Shqyrtimit dhe Vendosjes së Ankesave, me datë 06.03.2023 ka proceduar kërkesën për përgjigje në ankesë në Ministrinë e Punëve të Brendshme në Komunën e Ferizajt, ndërsa kjo e fundit me datë 14.03.2023 ka përcjell shkresat lidhur me çështjen.

*Kolegji për Shqyrtimin dhe Vendosjen e Ankesave ka administruar këto prova:* Ankesën me numër protokolli 2068/2023 të datës 24.02.2023 të parashtruar nga ankuesja në Këshillin e Pavarur Mbikëqyrës për Shërbimin Civil të Kosovës; Shkresën për pranim-dorëzim të datës 14.06.2022; Shkresën për Gjykatën Themelore në Mitrovicë-Dega në Vushtrri nga Qendra për Punë Sociale në Komunën e Ferizajt; Emailin e datës 06.01.2023 nga ankuesja për dhe Emailin e datës 20.04.2022, 28.04.2021 nga A.R për ankuesen; Emailin e datës 28.04.2021 nga Emailin e datës 17.05.2021 nga për ; Emailin e datës 17.05.2021 nga ; Emailin e datës 23.03.2021 nga Emailin e datës 19.03.2021 nga ; Emailin e datës 02.12.2022 nga për ankuesen; Emailin e datës 02.12.2022 nga Emailin e datës 12.21.2022 nga ankuesja për dhe ; Plotësimin e ankesës e datës 28.02.2023; Emailin e datës 21.12.2022 nga për Kërkesën për përgjigje në ankesë me numër protokolli 2399/2023 e datës 06.03.2023; Përgjigjen në ankesë me numër protokolli 2641/2023 e datës 14.03.2023; Raportin e punës për vitin 2021 i datës 31.12.2021 nga ankuesja; Njoftim me Nr.02-278/1 i datës 19.03.2021 nga ankuesja ; Emailin e datës 15.06.2021 nga për ankuesen; Emailin e datës 22.04.2021 nga Akt Emërimit e datës 01.07.2021 të ankueses; Përshkrimin e detyrave të punës për pozitën Përgjegjës i Njësisë për Rini; Formularin për vlerësimin e rezultateve në punë për vitin 2021 i datës 23.02.2023; Formularin për vlerësimin e rezultateve në punë për vitin 2020 i datës 23.02.2021; Formularin për vlerësimin e rezultateve në punë për vitin 2022 i datës 20.01.2023; Vendimin për transferimin e përhershëm të ankueses me numër 01Nr.01-02/20 i datës 22.01.2020; Vendimin me Nr. 02-131/03-0114161/21 i datës 01.10.2021 për pushim të lehonisë për ankuesen; Vendimin me Nr. 02-130/-01-0019527/22 të datës 25.02.2022 për shfrytëzimin e pjesës së dytë dhe tretë të pushimit të lehonisë.

Kolegji për Shqyrtimin dhe Vendosjen e Ankesave pasi ka shqyrtuar dhe analizuar provat materiale të parashtruar nga palët në procedurë, konstatoi se ankesa e ankueses, **është e bazuar, sepse:**

Nga administrimi i provave të lëndës rrjedhë së ankuesja është e punësuar në Komunën e Ferizajt, në pozitën *Zyrtare për Shërbime Sociale*. E njëjta sipas Vendimit nr.02-131/03-0114161/21 të datës 01.10.2021 dhe Vendimit nr.02-130/01-0119527/22 të datës 01.10.2021 të Kryetarit të Komunës, ka qenë në pushim të lehonisë në kohëzgjatje prej gjashtë muajve respektivisht nga data 07.09.2021 deri me datë 07.03.2022.

Drejtori i Qendrës për Punë Sociale në cilësi të mbikëqyrëses së drejtpërdrejt të ankueses, me datë 23.02.2023 ka bërë vlerësimin e rezultateve në punë për ankuesen për vitin 2021, me notë të përgjithshme 2.44.

Ankuesja i pakënaqur me këtë vlerësim ka parashtruar ankesë në Këshillin e Pavarur Mbikëqyrës për Shërbimin Civil të Kosovës, me pretendimet se vlerësimi i rezultateve në punë për vitin 2021 është tendencioz, jo real dhe i bërë jashtë afatit ligjor të përcaktuar me



Rregulloren Nr.21/2020 për Procedurën e Vlerësimit të Rezultateve në Punë të Nëpunësve Civil dhe Nëpunësve të Shërbimeve Publike. Kërkon që Këshilli ta aprovoj ankesën si të bazuar dhe të shfuqizoj Formularin e datës 23.02.2023, lidhur me vlerësimin e rezultate në punë të vitit 2021, për ankuesen.

Bazuar në përgjigjen në ankesë, Drejtori i Qendrës për Punë Sociale në cilësi të mbikëqyrëses së drejtpërdrejt të ankueses, vlerësimin e rezultateve të ankuesit për vitin 2021 e bazon në faktin së ankuesja nuk ka dorëzuar asnjë raport lidhur me punën e saj, dhe se referuar lëndëve të protokolluar në emër të ankueses, mund të shihet se vlerësimi ka qenë objektiv.

Kolegji në kuptim të vendosjes meritorë ju referuar nenit 43 të Ligjit Nr.06/L-114 për Zyrtarët Publikë, më të cilin përcaktohet se: *1. Vlerësimi i rezultateve në punë është proces i përhershëm, që përfshin vlerësimin e realizimit të objektivave të paracaktuar dhe vlerësimin e sjelljes profesionale të nëpunësit civil në realizimin e objektivave. Periudha e vlerësimit zgjat 1 vit dhe fillon nga 1 janari dhe mbaron më 31 dhjetor. Vlerësimi bëhet deri më 31 janar të vitit të ardhshëm, për vitin pasues. 2. Vlerësimi i rezultateve në punë bazohet në objektivat e përcaktuar në mënyrë individuale për nëpunësin që vlerësohet, në përputhje me përshkrimin përkatës të punës dhe objektivat e njësisë apo institucionit. 3. Objektivat përcaktohen me shkrim, në fillim të vitit, në muajin janar, së bashku me planin e veprimtarive për arritjen e objektivave. 4. Objektivat përcaktohen nga mbikëqyrësi i drejtpërdrejtë, në bashkëpunim me nëpunësin dhe e bëjnë me dije atë.. 6. Gjatë periudhës së vlerësimit, mbikëqyrësi i drejtpërdrejtë zhvillon takime me nëpunësin që vlerësohet, për të rishikuar progresin e bërë në arritjen e objektivave të planifikuar për të shprehur mendime dhe për të dhënë sugjerime, si dhe për të bërë përmirësimet e nevojshme në planin e hartuar me shkrim. 7. Në fund të periudhës së vlerësimit, mbikëqyrësi i drejtpërdrejtë harton një raport vlerësimi. 8. Raporti i jepet punonjësit dhe ai diskutohet në një intervistë me të. 9. Pas intervistës, mbikëqyrësi i drejtpërdrejtë miraton raportin përfundimtar të vlerësimit... dhe nenit 5 paragrafi 1 të Rregullores Nr.21/2020 për Procedurën e Vlerësimit të Rezultateve në Punë të Nëpunësve Civil dhe Nëpunësve të Shërbimeve Publike ku përcaktohet se : Vlerësimi i rezultateve në punë për nëpunësin përbëhet prej fazave, si në vijim: 1.1. përcaktimin e objektivave; 1.2. vlerësimin e progresit të arritur gjatë periudhës së vlerësimit, për realizimin e objektivave të përcaktuar; dhe 1.3. vlerësimi në fund të periudhës vlerësuese (vlerësimi përfundimtar). 2.Nëse gjatë periudhës së vlerësimit, ndërrohet mbikëqyrësi i drejtpërdrejt i nëpunësit para përfundimit të vlerësimit vjetor, ai vlerëson nëpunësin vetëm për periudhën përkatëse, ndërsa për periudhën e mbetur të vlerësimit vjetor, vlerësimi bëhet nga mbikëqyrësi i drejtpërdrejt pasues..."*


Sipas Vendimit nr.02-131/03-0114161/21 të datës 01.10.2021 dhe Vendimit nr.02-130/01-0119527/22 të datës 01.10.2021 të Kryetarit të Komunës, rezulton së ankuesja ka qenë në pushim të lehonisë në kohëzgjatje prej gjashtë muajve respektivisht nga data 07.09.2021 deri me datë 07.03.2022, mirëpo mbikëqyrësja e drejtpërdrejtë ka bërë vlerësimin e rezultateve në punë për tërë vitin 2021, andaj, nisur nga ky fakt Kolegji konstaton së mbikëqyrësja e ankueses në rishqyrtim duhet të bëjë vlerësimin e rezultateve në punë vetëm për periudhën e vitit 2021, në të cilën ankuesja ka qenë në punë, dhe së vlerësimin duhet të mbështetet në argumentimin e përmbushjes së çdo objektive veç e veç, të përcaktuara me planin individual të punës.

Theksuar si më lartë, Kolegji duke u bazuar në nenin 18 paragrafi 1 nën paragrafi 1.2 dhe 1.6 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij vendimi.

*Këshillë juridike: Vendimi hyn në fuqi ditën e nënshkrimit nga Kryetarja e Kolegjit. Pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalin ekzekutimin e këtij vendimi.*

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
Lënda me numër A.nr.419/2023

**Avdyll BEKTESHI**

  
Procesmbajtës

**Ardita Haxhnikaj-DEMI**

  
Kryetare e Kolegjit

**Vendimi i dërgohet**

- Ankueses
- Drejtorit të Qendrës për Punë Sociale në Komunën e Ferizajt;
- Udhëheqësit të Njesisë së Burimeve Njerëzore në Komunën e Ferizajt; dhe
- Arkivit të KPMSHCK-së.